

ԳՎԻՆԻ ԱՊԱԿԵ ԻՐԵՐԻ ԺՈՂՈՎԱԾՈՒՆ

Հ. Մ. ԶԱՆՓԱՆԻԱՅԱՆ (ԼԵՆԻՆԳՐԱԴ)

ԴՎԻՆԵՐ ՊԱՐԵՐԻ ԸՆԹԱՑՐՈՒ ՀԱՅԱՍՏԱՆԻ ԽՈՂՈՐ ՔԱՂԱՔԱԿԱՆ և տնտեսական կենտրոններից մեկն է եղել՝ Նա պատմական ասպարեզ է իջել IV դարում և պահպանել է իր նշանակությունը մինչև XIII դարը:

Գտնվելով արևելքի և արևմուտքի տարանջիկ առևտրական ճանապարհի հանգուցակետում, կարճ ժամանակում ԴՎԻՆԵՐ ՊԱՐԵՐԻՆ Է միջազգային առևտրի կենտրոններից մեկը: Բնական է, որ զարգացող առևտրին զուգընթաց ԴՎԻՆԵՐԻ ԲԱՐՁՐԱՎԱՃՈՒՄ Է նաև արհեստագործությունը: Հայկական, հունական և արաբական զրավոր աղբյուրները բազմաթիվ տեղեկություններ են տալիս ԴՎԻՆԻ պատմական անցյալի, քաղաքական անց ու դարձի և տնտեսական կյանքի զանազան բնագավառների ուսումնասիրության համար: Սակայն այդ զրավոր աղբյուրները միևնույն ժամանակ շատ քիչ տվյալներ ունեն քաղաքի արհեստագործության ուսումնասիրության համար: Չկան հիշատակություններ նաև ԴՎԻՆԻ ապակեգործության մասին: Կարելի է նույնիսկ ենթադրել, թե ԴՎԻՆԵՐԻ ապակեգործությունը կամ իսպառ գոյություն չի ունեցել, կամ գտնվել է ցածր մակարդակի վրա և չի արժանացել ժամանակակիցների ուշադրությանը:

ԴՎԻՆԻ պեղումները, որոնք արդեն 25 տարուց ավելի է, որ վարում է Հայաստանի զիտությունների ակադեմիան պատմ. գիտ. դոկտոր Կ. Գ. Ղաֆաղարյանի ղեկավարությամբ, հարուստ նյութ են տալիս քաղաքի տնտեսական և արհեստագործական կյանքի շատ մութ և կնճոռտ հարցերի պարզաբանման համար: Այդպիսի հարցերի շարքին է պատկանում և ապակեգործությունը: Պեղումներից հայտնաբերված է ապակե իրերի մեծ և հարուստ ժողովածու՝ բազմա-ցած տարրեր կիրառություն ունեցող բազմասեսակ առարկաներից, պատրաստված տարրեր գույնի և որակի ապակիներից:

Ապակե անոթներն ըստ իրենց նշանակության կարելի է բաժանել մի քանի խմբերի՝ թասեր, զավաթներ, բաժակներ, սափորներ, սրվակներ, որոնցից յուրաքանչյուրն էլ իր հերթին բաժանվում է բազմաթիվ ենթախմբերի, ըստ ձևերի տարատեսակների, չափերի ու այլևայլ մանրամասների: Միայն սրվակների տարատեսակները 30-ից ավելի են: Սրվակներից հետ չեն մնում թասերը և բաժակները:

Ապակուց պատրաստում էին պատուհանի հարթ սկավառակներ, ճրագներ, լապտերներ, ջահի թասեր, կանացի զանազան տեսակի զարդեր՝ ուլունքներ, ապարանջաններ, մատանիներ: Մեզ են հասել նաև ապակե խճանկարի հատիկներ:

ԴՎԻՆԻ ապակյա անոթների մեծագույն մասի ապակին լավ որակի է, թափանցիկ, վճիտ և քիմիական բարձր կայունությամբ: Անոթների փոքր տոկոսն է միայն ենթարկվել ժամանակի ազդեցությանը՝ կորցրել իր թափանցիկությունը և փայլը կամ օքսիդացել ու հողմաշարվել:

Բազմերանգ են նաև ապակյա անոթների գույները: Ամենահաճախ հանդիպողը կանաչն է, մուգ կանաչից մինչև բաց կանաչավունը: ԴՎԻՆԵՐԻ գտնված անոթների մեջ կանաչ գույնի բոլոր երանգները կազմում են 39 տոկոս, անգույնը՝ 36 տոկոս, գեղինը՝ 13 տոկոս, կապույտը՝ 6 տոկոս, սևը՝ 4 տոկոս, մանիշակագույն կարմիրը՝ 2 տոկոս:

Ժողովածուի հիմնական մասն են կազմում ազատ փշման եղանակով պատրաստված իրերը: Նրանք բազմաթիվ են, բազմատեսակ, բազմաձև, պատրաստված տարրեր տեսակի ու գույնի բարձրորակ ապակուց: Ապակյա անոթների շուրթերի, նստուկների, կանթերի և այլ մանրամասների կատարյալ մշակումը ցույց է տալիս ապակեգործների մեծ վարպետությունը և հմտությունը:

1 А. Шахназарян, Двин, Ереван, 1940.
2 Կ. Գ. Ղաֆաղարյան, ԴՎԻՆ քաղաքը և նրա պեղումները, Երևան, 1952:

Հայտնի են եղել ապակե անոթների պատրաստման և զարգացման այլ եղանակներ ևս: Այսպես օրինակ. անոթները պատրաստվում էին նաև կաղապարի մեջ ձուլելով և կաղապարի մեջ փշելով: Զարդարում էին վերագիր թելերով և հատիկներով, եթե այս դեպքում վարպետը համատեղում էր տարբեր գույնի ապակիները, ապա ստացվում էին շքեղ և գեղեցիկ անոթներ: Ամենատարածված զարդարանքը ձևավոր կաղապարի մեջ ձուլելն էր:

Ապակյա անոթների զարդարման ամենաբարդ եղանակը հղկման և փորագրության միջոցով զարդեր ստանալն է, երբ արդեն պատրաստի սառը անոթի վրա հատուկ կտրիչների և հղկիչների միջոցով տաշում և փորագրում էին զարդանկարը: Զարդաքանդակի այս եղանակը կախված չէր անոթի հատուկ ձևից: Այգ դեպքում պահանջվում է միայն հատուկ բաղադրության հաստախեցի բյուրեղապակի: Ապակյա անոթների այս խումբը հետաքրքրական է այն տեսակետից, որ տաքածված է եղել ինչպես վաղ ժամանակներում, այնպես էլ միջնադարում և ունեցել է աշխարհագրական լայն սահմաններ (Նեիպոս, Սիրիա, Իրաք, Իրան, Հայաստան, Սիջին Ասիա, Հարավային Եվրոպա): Այս խմբի անոթների ուսումնասիրությունը հնարավորություն է տալիս որոշ ժամանակադրական և տեղագրական եզրակացությունների հանգելու: Սառը մշակման միջոցով զարդարված անոթները Դվինում հայտնաբերվել են միջնաբերդում և կենտրոնական թաղամասում: Հնագույն օրինակներն են՝ տաշված ձվաձև կամ կլոր բլթակներով զարդարուն թասերը և սրվակները: Այս տիպի անոթներ գտնվել են նաև Անդրկովկասի այլ հնավայրերում՝ Սամթավրո, Գառնի, Սուդագիլան, Ուրբնիսի, Ռուսթավի, այն էլ ոչ թե պատահական և հազվագյուտ նմուշներով, այլ բազմաթիվ օրինակներով: Այս հանգամանքն էլ բերում է մեզ այն եզրակացության, որ ապակյա անոթների զարդարման այս եղանակը հայտնի է եղել Անդրկովկասում դեռևս I դարում և իր գոյությունը պահպանել է մինչև XIII դարը³:

Քանի որ մենք դեռ չունենք բավարար քանակությամբ քիմիական անալիզներ և այլ ճշգրիտ ու օբյեկտիվ փաստեր այս իրերի ծագումը որոշելու համար, և մեր հիմնական չափանիշը մնում է նյութի ոճական համեմատությունը, կարող ենք միայն ենթադրաբար խոսել այս անոթների բնդհանուր Անդրկովկասյան կենտրոնի, թճրևս ավելի ճիշտ՝ կենտրոնների մասին:

Այս կապակցությամբ ավելորդ չէ նշել մի շատ հետաքրքրական հանգամանք: Դվինում IX—X դդ. շերտերից հայտնաբերված են տարբեր ձևի անոթներ, պատրաստված ապակուց՝ որակապես շատ նման վերոհիշյալ թասերի բյուրեղապակուն: Զարդարված են այդ անոթները տարբեր եղանակներով՝ փորագիր, ձուլածո, կան նաև հասարակ անոթներ, զարդարանքներից զուրկ: Սա ևս մի փաստ է, որը կարող է վկայել բյուրեղապակե իրերի տեղական և լայն արտադրության օգտին:

Դվինի ապակյա իրերի ժողովածուն պարունակում է նաև փորագրության այլ եղանակների նմուշներ՝ նուրբ գծային լայն և խոր ակոսով: Ապակյա փորագրման բարդ եղանակների՝ ուելեֆ փորագրության արվեստի օրինակներ ևս կան:

Դվինի ապակյա իրերի մեծ ժողովածուի նախնական ուսումնասիրությունը արդեն հնարավորություն է տալիս ավելի համարձակ խոսել տեղական ապակեգործության գոյության փաստի մասին:


Չնայած այն հանգամանքին, որ ո՛չ Դվինում և ո՛չ էլ նրա շրջակայքում դեռևս չեն հայտնաբերված ապակեգործական արհեստանոցներ և մեզ հայտնի չէ այն միջավայրը, որտեղ պատրաստվում էին այդ նուրբ անոթները, հնագիտական հարուստ նյութի հիման վրա կարելի է եզրակացնել, որ տեղական ապակեգործները եղել են իրենց գործի հմուտ վարպետներ: Նրանք գիտին բարձրորակ ապակի եփելու տեխնոլոգիան, պատրաստում էին բարդ ձևերի անոթներ, զարդարում էին տարբեր եղանակներով:

Առայժմս դժվար է ճշգրիտ որոշել Դվինում ապակեգործության ծագման ժամանակը: Եթե առաջ կարծում էին, թե IX դ. Դվինում դեռևս չկար սեփական ապակեգործություն միայն այն փաստի հիման վրա, որ կաթուղիկե եկեղեցու շրջակայքում (որը ավերվել է 893 թ. երկրաշարժից և այլևս չի վերականգնվել) գտնված է միայն տաշված և փորագիր ապակի, որի բոլոր օրինակները սխալ կերպով համարվում են միայն ներմուծված⁴, ապա վերջին տարիների պեղումները ցույց տվեցին այդ տեսակետի անհիմն լինելը:

3 Л. А. Ч и л а ш е н л и, Некоторые моменты археологического исследования Урбин-си, «Вестник» Гос. музея Грузии, том XXIV, 3.

4 Б. А. Ш е л к о в н и к о в, Керамика и стекло из раскопок Двиня, «Труды» гос. Ист. музея Армении, том IV, Ереван, 1952.

Նույն տեղամասի հետագա պեղումները հարուստ նյութ տվեցին այդ խնդրի պարզարանման համար: Հայտնարեցված են մեծ թվով ինչպես բյուրեղապակույց, այնպես էլ նուրբ ապակույց պատրաստված բազմաթիվ անոթներ: Նյութի առատությունը և ձևերի բազմազանությունը, ինչպես նաև միանման իրերի մեծ քանակը մեզ բերում է այն եզրակացության, որ IX դ. և թերևս VIII դ. Դվինն ունեցել է բարձրորակ ապակե իրերի սեփական արտադրություն:



Բնական է, որ Դվինի տեղական զարգացած ապակեգործությունը չի բացառում ապակյա իրերի ներմուծման փաստը: Քաղաքի բնակչության հարուստ վերնախավը, հոգևոր և աշխարհիկ իշխանները, անկասկած, իրենց կենցաղում տեղական ապակյա առարկաների հետ զուգընթաց օգտագործում էին նաև այլ երկրներից բերված ապակյա անոթներ, որոնց թվում՝ բյուզանդական, պարսկական, սիրիական: Այդ բարձրորակ և թանկարժեք իրերը հաճախ պահվում էին որպես զարդարանք հարուստ տներում և եկեղեցիներում:

Արտակարգ հետաքրքրություն են ներկայացնում ժողովածուի գունազարդ ապակու օրինակները: Նթե փորագիր ապակյա իրերի ուսումնասիրության ընթացքում մենք հնարավորություն ունենք տարբերելու տեղական իրերը ներմուծվածներից, ապա շատ ավելի դժվար է նկարա-

զարդ և գունազարդ ապակիների նմուշների տարրերազատումը: Բնական է, որ Դվինում գունազարդ ապակիներ քիչ են գտնված, այն էլ մեծ մասամբ բեկորներով: Մենք դեռևս հնարավորություն չունենք խոսելու նկարազարդ ապակու տեղական լինելու մասին: Դրա փոխարեն Դվինի ապակյա իրերի ժողովածուն կարող է պարծենալ բյուզանդական և սիրիական գունազարդ ապակիների լավագույն և հազվագյուտ նմուշներով:

Նշանավոր է կապույտ ապակյա սրվակը, որի վրա ոսկե և էմալե ներկով նկարված են զանազան զարդեր և ջութակահարի պատկեր: Այս անոթը պատկանում է XI դարի բյուզանդական արհեստանոցների նշանավոր և հազվագյուտ նմուշների շարքին:

Մի քանի բեկորներ պատկանում են XII—XIII դդ. սիրիական Ռակկա և Հալեպ քաղաքների նշանավոր արհեստանոցների արտադրանքին:

Ինչպես արդեն վերը նշեցինք, ապակուց պատրաստում էին նաև զանազան զարդարանքներ՝ ուլունքներ, ապարանջաններ, մատանիներ: Ժողովածուն հարուստ է բազմապիսի ձևերի տարրեր գույների ապակիներից պատրաստված կանացի զարդերով:

Դվինի ապակե իրերի ժողովածուի ուսումնասիրությունը հնարավորություն է տալիս ճշտել նաև մի շարք պատմական փաստեր:

Ինչպես հայտնի է, ալքիմիան Հայաստանում հայտնի է XIII դարից: Նա ունեցել է կիրառական նշանակություն և լայն տարածում, օժանդակել է զանազան արհեստների կատարելագործմանը: Հայ ալքիմիկոսները ունեցել են հարուստ կահավորված աշխատանոցներ: Այս բոլորը մեզ հայտնում են գրավոր աղբյուրները, այսինքն այն բազմաթիվ ալքիմիական ձեռագրերը, որոնք ցավոք մեզ են հասել ուշ ժամանակի՝ XV—XVIII դարերի ընդօրինակություններով:

Դվինի պեղումներից հայտնաբերված են ապակյա իրերի մի քանի տարատեսակներ, որոնք, ինչպես ցույց են տալիս ուսումնասիրությունները, օգտագործվել են ալքիմիկոսների աշխատանոցում: Նրանցից մի մասն ունեցել է նեղ մասնագիտական կիրառություն, օգտագործվել է միայն քիմիկոսի աշխատանոցում, ինչպես օրինակ՝ տարրեր տեսակի և ձևի ալամրիկները: մի ուրիշ մասը ծառայել է հեղուկների թորման համար, երրորդը՝ ավելի պարզ տեսակները՝ նեղ բերան ունեցող անոթների մեջ հեղուկ նյութեր լցնելու համար և այլն: Սրանք համապատասխանում են ձեռագրերում նկարազարդված և որոշ դեպքում նկարված այդ տիպի անոթներին, միայն այն տարբերությամբ, որ բոլոր այս անոթները գտնված են IX—XII դդ. պատկանող շերտերում: Ուստի այժմ մենք կարող ենք համոզված պնդել, որ ալքիմիան Հայաստանում տարածված է եղել արդեն IX դ.:

Այսպիսով, Դվինի ապակյա իրերի նախնական ուսումնասիրությունն արդեն հնարավորություն է տալիս պարզել միջնադարյան Հայաստանում ապակեգործության մի քանի կնճռոտ հարցեր: Այժմ կարելի է հաստատ խոսել Դվինում IX—XII դդ. զարգացած ապակեգործական արհեստի գոյության մասին: Ապակյա իրերի միջոցով կարելի է պարզաբանել առևտրական կապերի որոշ հարցեր, ճշտել մի շարք պատմա-կուլտուրական փաստեր, ինչպիսին է, օրինակ, Հայաստանում ալքիմիայի ծագման և զարգացման ժամանակաշրջանի խնդիրը: